



Broj: 05-04-20-3731-8/26
Maglaj, 28.09.2026. godine

Na osnovu člana 72. stav (3) tačka e) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), u postupku javne nabavke „Nadzor nad izvođenjem radova“, Općinski načelnik donosi

ODLUKU

o dodjeli okvirnog sporazuma drugorangiranom ponuđaču

I

Okvirni sporazum za nabavku usluga nadzora nad izvođenjem radova dodjeljuje se drugorangiranom ponuđaču „Smajić-inženjering“ d.o.o. Goražde, u skladu sa ponudom broj 984-U-26 od 10.09.2026. godine, po ukupnoj cijeni od 15.384,62 KM bez PDV-a, odnosno 17.460,00 KM sa uračunatim PDV-om, a nakon što je izabrani ponuđač odbio zaključenje okvirnog sporazuma.

II

Ovom odlukom stavlja se van snage Odluka o izboru najpovoljnijeg ponuđača, broj 05-04-20-3791-7/26 od 16.09.2026. godine, kojom se predmetni okvirni sporazum dodjeljuje ponuđaču „ProTehnik“ d.o.o. Istočno Sarajevo.

III

Ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

V

Ova odluka stupa na snagu danom donošenja.

O b r a z l o ž e n j e

Odlukom o izboru najpovoljnijeg ponuđača, broj 05-04-20-3731-7/26 od 16.09.2026. godine, okvirni sporazum za nabavku usluga nadzora nad izvođenjem radova dodijeljen je ponuđaču „ProTehnik“ d.o.o. Istočno Sarajevo, po ukupnoj cijeni od 11.282,05 KM bez PDV-a, odnosno 13.200,00 KM sa uračunatim PDV-om.

Ova odluka je, zajedno sa zapisnikom o pregledu i ocjeni ponuda, dana 18.09.2026. godine dostavljena putem maila svim ponuđačima koji su učestvovali u postupku javne nabavke, u skladu sa članom 70. stav (2) Zakona o javnim nabavkama. Dana 22.09.2026. godine zaprimljen je akt izabranog ponuđača „ProTehnik“ d.o.o. Istočno Sarajevo, broj 96-2-09/26 od

18.09.2026. godine, u kojem se navodi da odustaju od zaključenja predmetnog okvirnog sporazuma iz tehničkih razloga.

Shodno navedenom, ugovorni organ je postupio u skladu sa članom 72. stav (3) tačka e) Zakona o javnim nabavkama i okvirni sporazum dodijelio drugorangiranom ponuđaču. Prilikom donošenja ove odluke, ugovorni organ se rukovodio stavom Agencije za javne nabavke BiH, prema kojem je odluka o dodjeli ugovora drugorangiranom ponuđaču internog karaktera, te se ne dostavlja svim učesnicima u postupku, niti postoji pravo žalbe na istu. Naime, Zakon o javnim nabavkama propisuje da ugovorni organ dostavlja prijedlog ugovora ponuđaču koji je po rang-listi odmah nakon ponude najuspješnijeg ponuđača, u zakonom definisanim slučajevima. Također, svim učesnicima u postupku je već u ranijoj fazi dostavljena odluka o izboru najpovoljnijeg ponuđača i zapisnik o pregledu i ocjeni ponuda (sa rang-listom), tako da su oni imali sve činjenice dostupne, pa i činjenicu ko je drugorangirani. Pravna zaštita je osigurana kroz mogućnost žalbe nakon objave obavještenja o dodjeli ugovora, ukoliko se iz istog utvrdi da ugovor nije dodijeljen drugorangiranom.

Imajući u vidu sve navedeno, a primjenom odredbe člana 72. stav (3) tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke žalba nije dozvoljena.

DOSTAVLJENO:

1. "Smajić-inženjering" d.o.o. Goražde
2. Služba za urbanizam, geodetske i imovinsko-pravne poslove
3. Web stranica
4. a/a

OPĆINSKI NAČELNIK

Maid Suljaković

